

Broj: 01/IV-06-1-247-1/24
Sarajevo, 24.01.2024. godine

PARLAMENT FEDERACIJE BIH
ZASTUPNIČKI DOM
n/r sekretara
n/r zastupnika Admir Čavalić

SARAJEVO

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilijeno:		25-01-2024	
Org. jed.	Broj	Priloga	Vrijednost
05/1	- 02 -	19	24

PREDMET: Odgovor na zastupničko pitanje.

Poštovani,

U prilogu akat dostavljamo Vam odgovor na zastupničko pitanje koje je postavio Admir Čavalić, zastupnik u Zastupničkom domu Parlamenta Federacije BiH na sjednici ovog doma održanoj 10.01.2024. godine.

S poštovanjem,

DIREKTORICA

Izv. prof. dr. sc. Vlatka Martinović, dr.med.

Prilog: Kao u tekstu

Dostavljeno:

naslovu,
- a/a





ODGOVOR
NA ZASTUPNIČKO PITANJE ČAVALIĆ ADMIRA
ZASTUPNIKA U ZASTUPNIČKOM DOMU
PARLAMENTA FEDERACIJE BOSNE I HERCEGOVINE

Sarajevo, januar 2024. godine

Adresa: Trg Heroja 14, Sarajevo
Telefon: +387 33 728 700
Fax: +387 33 655 856
E-mail: zavod@zsofbih.ba
Web: www.zsofbih.ba
JIB: 4200642000008

UNION BANKA Sarajevo

Depozitni račun, KM:	102 05 000 000 64018
Glavni transakcijski račun, KM:	102 05 000 000 70808
Transakcijski račun, KM:	102 05 000 000 88753
Transakcijski račun, KM:	102 05 000 000 26964
Transakcijski račun, EUR:	102 05 000 000 70808
IBAN CODE:	BA39 102 05 000 000 70808



I.

Admir Čavalić, zastupnik u Zastupničkom domu Parlamenta Federacije Bosne i Hercegovine, na sjednici Zastupničkog doma Parlamenta Federacije BiH održanoj 10.01.2024. godine, postavio je slijedeće zastupničko pitanje:

„Da li postoje procjene koliko je potrebno finansijskih sredstava da svi građani Federacije BiH imaju obezbjeđeno zdravstveno osiguranje, tj. da budu osigurani?“

II.

Na postavljeno zastupničko pitanje Zavod zdravstvenog osiguranja i reosiguranja Federacije Bosne i Hercegovine, **iz okvira svojih nadležnosti**, daje slijedeći

ODGOVOR

Zavod zdravstvenog osiguranja i reosiguranja Federacije BiH (u nastavku: Federalni zavod) redovno zaprima razne upite iz oblasti sistema zdravstvenog osiguranja i zdravstvene zaštite u Federaciji BiH, uključujući i ovo pitanje o broju ukupno neosiguranih lica u Federaciji BiH koji nisu pokrivenim obaveznim zdravstvenim osiguranjem u Federaciji BiH.

Trenutnom zakonskom regulativom nije utvrđena zakonska obaveza vođenja evidencija o broju neosiguranih lica u Federaciji BiH koji nisu pokriveni obaveznim zdravstvenim osiguranjem. U tom smislu, ne postoji ovaj podatak kao apsolutno tačan i potpun. Zakonskom regulativom bi prethodno trebala biti definisana metodologija kompilacije (izrade) ovog podataka, uputstvo za njegovu izradu, načini, subjekti i rokovi izvještavanja, načini vođenja evidencija i kreiranja izvještaja, definisani subjekti – nosioci aktivnosti na izradi ovog podatka, itd.

Takođe, bilo bi korisno, a u svrhu detaljnijih analiza, donošenja i implementacije eventualnih raznih politika (ekonomskih, zdravstvenih, socijalnih i drugih), iskazati podatak o broju ukupno neosiguranih lica u Federaciji BiH i po raznim obilježjima (dobi i polu neosiguranog lica, po općini, kantonu, itd.), što bi, na kraju, dalo potpuniji uvid i cjelokupnu sliku u vezi ovog podatka.


U dokumentu Obračun sredstava u zdravstvu Federacije BiH (u nastavku: OSZ FBiH) iskazuje se, između ostalog, na pojednostavljeni način, podatak o broju ukupno neosiguranih lica u Federaciji BiH, odnosno lica koja nisu pokrivena obaveznim zdravstvenim osiguranjem u Federaciji BiH. Ovaj podatak se računa kao razlika podatka o broju ukupnog stanovništva u Federaciji BiH (podatak Federalnog zavoda za statistiku) i podatka o ukupnom broju osiguranih lica u Federaciji BiH (podaci kantonalnih zavoda zdravstvenog osiguranja).

Korištenjem prethodno navedene pojednostavljene računice, u OSZ FBiH za 2022. godinu bilježi se 287.568 neosiguranih lica koji nisu bili pokriveni obaveznim zdravstvenim osiguranjem u Federaciji BiH ili 13,33% ukupnog stanovništva u Federaciji BiH. Međutim, ovaj podatak za 2022. godinu, ponovno naglašavamo, ne bi se trebao smatrati apsolutno tačnim i potpunim, budući da je moguće da se u broju ukupno neosiguranih lica u Federaciji BiH nalazi određeni broj onih koji su zdravstveno osigurani po nekom drugom vidu zdravstvenog osiguranja (npr. uplaćuju premije zdravstvenog osiguranja osiguravajućim kućama i dr.), zatim da su u postupku sticanja statusa osiguranog lica, i drugi razlozi.

U vezi Vašeg dijela upita koji se odnosi na procjenu visine sredstava potrebnih kako bi svi građani u Federaciji BiH bili zdravstveno osigurani, navodimo da je zadnjom procjenom na nivou Federacije BiH i koje su rađene prilikom donošenja Odluke o utvrđivanju osnovnog paketa zdravstvenih prava („Sl.novine Federacije BiH“, br.21/09 -u nastavku Odluka o osnovnom paketu), tadašnja procjena paketa zdravstvenih prava za neosigurana lica u Federaciji BiH iznosila 62,8 mil. KM.

Način provođenja osnovnog paketa zdravstvenih prava za neosigurana lica definisan je tč. XVIII Odluke o osnovnom paketu koji podrazumijeva da se sa početkom primjene osnovnog paketa zdravstvenih prava za neosigurana lica počinje sa osiguranjem sredstava u budžetima kantona i općina za ove namjene, kao i donošenjem Uputstva o uvjetima i načinu ostvarivanja prava neosiguranih lica na zdravstvenu zaštitu iz paketa zdravstvenih prava.

Međutim, implementacija osnovnog paketa od dana donošenja do danas, u dijelu osiguranja sredstava za neosigurana lica, nije zaživjela.



DIREKTORICA

Izv. prof. dr. sc. Vlatka Martinović, dr.med.

Dostavljeno:

- Naslovu,
- a/a